

PHOENIX
SIVE LVCTVS AVSTRIAE,
OB MORTEM
INCOMPARABILIS HEROINAE
D. ANNAE QVIRITIVM, PAN-
NONVM, AC BOHEMO-
RVM REGINAE
ETC.

Prima cicatricem vix duxit plaga supremam,
Vulnere cum ferior sanguinolenta nouo.
Nec defleta modis satis est mihi filia dignis,
Cum mater lachrymas postulat ipsa nouas.
Non ita consternata fui, nec territa damno,
Seu mihi quod pestis, seu mihi Turca dedit.
Quàm modo Reginae me mors percussit acerba,
Mors mihi flebilibus testificanda modis.
Indulgere iuuat lachrymis, nec turpe putabo
Plangere foeminea tristia corda manu.
Hoc fatale mihi est, vexari fluctibus atris,
Nec tamen aduersis succubuisse malis.
Sic tolerata mihi vix est tolerabilis hostis
Omnia grassantis per mea membra manus.

A ij Sic

Sic tolerata lues vix est tolerabilis atq;
Sæua peregrini militis ira mihi.
Sicq; locustarum vis ingluuiesq; nocentum
Vix toleranda, tamen dissimulata mihi.
Nec tamen ad lachrymas conuersa leuesq; querelas
Officijs egi non aliena meis.
Nunc animi est erepta mihi sententia constans,
Vix tueor partes nunc male firma meas.
Quosq; animo gemitus compressi moesta virili,
Principis expressit mors mihi sæua meæ.
Heu quid ago infœlix, fatiscq; exercita diris,
Accessit nostris vis cumulusq; malis.
Ad Scythicum conuersa Polum septemq; Triones
Cur inhibes sæuas mors violenta manus?
Collimanda tibi sunt isthuc spicula, namq;
Vxor erat stygio dignior illa loue.
Ecquid in inuisas non sumis dira nouercas
Tela, quid inuisas non rapis ipsa locrus?
Vixerit Aonio sic illaudatus Homero
Thersites, viuat sic sibi quisq; malus.
Omne capax rapit vrna caput discrimine nullo.
Nec refert fuerit albus an ater homo.
Omnia dissimili similis Proserpina fato
Eripit, humanum nil miserata genus.
Nec, mihi crede, aliquid mortalibus immortale,
Hac sumus in sola conditione pares.
Cætera Dii meliora tibi Regina dedere,
Quæ sermone libet commemorare breui.

Interea

Interea lachrymæ cessate grauelq; querelæ,
Et uacet à gemitu sœmina virq; pio.
Arcessenda procul mihi sunt exordia rerum,
Et series Regum longa petenda procul.
Hinc abauos, atauosq; placet, clarosq; parentes,
Et placet à matris ducere stirpe genus.
Cedemine antiquo deducta megistane proles,
Vna fuit Olgird, altera Kestud erat.
Olgirdæ soboles est masculina lagello,
Qui sacro ablutus postea rore fuit.
Atq; Wladislaus mutato nomine dictus,
Sarmatiæ tenuit ditia Regna diu.
Filius huic Casimirus erat Rex impiger armis,
Qui latè patriam rexit, & auxit humum.
Cui plures natæ, cui sextus masculus hæres,
Sarmatiæ summam qui tenere diu.
Mentio digna suo de natis tempore fiet,
Natarum series sed referenda prius.
Per quas affini coniuncta Alemania vinclo,
Quam lambit tumidis Rhenus, & Ister aquis.
Anna Boguslai est Pomerani principis vxor,
Barbara Saxonix nupta puella duci.
Regulus Hedugin Boiorum magnus habebat,
Vnde Palatinæ lumina multa domus.
Legnitio Elisabetha duci deducta marito,
Huic genti lumen contulit atq; decus.
Vni nomen erat Sophiæ, quæ nupta dynastæ
Brandenburgensi prole beata fuit.

Cæsaris optandi cui cura est credita genti,
Plena hæc principibus præsulibusq; domus.
Ad fratres redeo clarissima lumina mundi,
Præcipuè ad patrem Pannonis Anna tuum.
Pannoniæ huic vltro regnum dota'le Beatrix
(Grande Beatricis nomen & omen habes)
Obtulit & regni procerum officiosa voluntas,
Ah quantum est illo regnum habuisse modo?
Rursus Alexandra est Olgirdæ filia nupta
Masouiaë quondam dux Semouite tibi.
Ex quibus Ernesti Cimburgis edita coniunx
Fridricum Imperij protulit alma caput.
Hinc socer, hinc profocer, leuir, hinc charusq; maritus
Plurimaq; hinc soboles, quod benè uertat, adest.
Nec tibi Moscouiaë gens inficianda niualis,
Ex hoc nobilitas est quoq; clara loco.
Kestudes etenim Olgirdæ germanus in illam
Insertus gentem multa trophæa tulit.
Hoc patre Vitoldus dux est procreatus, & illo
Lituaniaë princeps tempore magnus erat.
Vnica, ni fallor, cui filia tradita Mosco,
Et desponsa duci vixit Anastasia,
Hinc ambo Basilij diuerso tempore & inde
Ioannes vario tempore vterq; fuit.
Sarmaticum affini non solum limite, verum
Sanguinis attingis proximitate genus.
Nec vitio frater dabitur, qui dulce putauit
Pro patria, in patria, cum patriaq; mori.

Triste

Triste rudimentum belli, Rex induit arma,
Arma tyrocinio non satis apta suo.
Cedite nunc Decij, procul inde facessito Curti,
Rex horum laudes clarus & huius habet.
Nec laus Elisabethæ auix reticenda paternæ,
Qua non nobilior scœmina nata fuit.
Illi Cæsar auus, proauusq̃, abauusq̃, atauusq̃,
Pannoniæ frater, Rex fuit atq̃ parens.
Sarmatiæ coniunx rector, sex ordine nati
Succedunt, tenet hec nunc quoq̃ regna nepos.
Coniuge quid potius dicam, uel fratre mariti?
Sarcina vix humeris hec satis apta meis.
De quibus est dixisse nihil, quàm dicere pauca,
Forsitan & satius conticuisse fuit.
Alter ad occasum populos regit, Alter ad ortum,
Et fermé ambobus paret vierq̃ Polus.
Hoc satis est dixisse mihi, sed dicere plura
Alterius fuerit grande laboris opus.
Nec capit hos succincta breuisq̃ angustia chartæ,
Quorum regificas vix capit orbis opes.
Immemor incepti tristisq̃ oblita decori,
Ad natos venio Sarmatis Anna tuos.
Hic mihi latitiæ veniam da Diua licentem,
Erumpunt toto gaudia corde mihi.
Non possum gemitus simulare, grauesq̃ querelas,
Sit licet incepto res aliena meo.
Tollite ferales, lugubria signa, cupressus,
Atq̃ parentales exequiæ ite procul.

Ne crite

Nescite victrices circum mea tempora laurus,
Vix memini, si quid flebile passa fui.
Vsq; adeo generis spes inclyta, mascula proles
Austriacæ columen me fouet atq; domus.
Vos Patruî auspicijs victricia signa sequuti
Inuisum Christo tollite quæso genus.
Vos Patris auspicijs victricia signa sequuti
Asserite afflictam gnauiter Hungariam.
Conatus equidem nihil hos remorabitur vnquam,
Interno impendet nullus ab hoste timor.
Suppositas cineri prunas, flammalq; doloso
Extinxit vester Patruus atq; Pater.
Fallor? an à læua foelici lapsa volatu
Confirmat volucris vota precesq; meas?
E diuerticulo repetendus sermo, nec extra
Propositi metas ire sinendus erit.
Quid referam natas & foemineum comitatum,
Atq; puellares, numina vera, choros.
Vix totidem ancillæ Reginis sæpe fuce,
Aluo Reginæ quod prodiere tua.
Atq; alias agitat regnandi dira libido,
Nota sed exemplis res odiosa datis.
Sollicitat bellî nonnullas cura gerendî,
Præcipuè regnum quo muliebri loci est.
Faustinas aliæ referunt, matremq; Neronis,
Est quoq; cui placeat trux Cleopatra nimis.
At tibi nulla fuit regnandi, nulla minandi,
Nulla extorquendi sæua libido fuit.

Quamuis

Quamuis dotalis sublatae ad culmina regni
Conditione fuit mens moderata pari.
Tu telas, non tela, nec arma cruenta, nec arces,
Non profecturis ictibus oppositas.
Sed bona tranquillae curasti commoda pacis,
Irarum fugitans, atq; quietis amans.
Regibus vxores, tot reginisq; maritos,
Atq; orbi dominos te generasse sat est.
Imperitent aliae preter muliebre decorum,
Te pensis famulas non onerasse patet.
Adde supradictis maternae stemmata stirpis,
Addeq; Gandalidos clara trophaea domus.
Principe Gandalio tua prodita Vascone mater,
Complures habuit virgo pudica procos.
Illa Wladislao tandem desponsa marito,
Transegit vite tempora laeta suae.
Tertius exierat sesqui & millesimus annus
Bisq; decem, lunij tresq; fuere dies.
Quando ope Lucinae genetyllidos implorata,
Anna parens natu est exhilarata tuo.
Imposita est capiti matris, de more, corona,
Bis denis vitam mensibus ante tuam.
Buda fuit natale solum, sed Rhetia nutrix,
Qua fremit alpinis turgidus Oenus aquis.
Caesaris hic studio est educta sororia tecum,
Nubilis est donec vtraq; facta viro.
Iam me virtutum vix enumerabilis ordo,
Atq; vrget meriti gratia multa tui.

B Quid

Quid primum mediumue loquar? quæ in fine locabo
Ornamenta tuæ rara pudicitia?
Ambiguam faciunt, & copia & optio mentem,
Nunc placet hæc virtus, nunc placet illa magis.
Ac velut in prato confidens virgo virenti,
Quæ fons muscoso profilit è lapide.
Nunc varios molli decerpit pollice flores,
Aut Narcisse tuos, aut Hyacinthe tuos.
Candida luteolis nunciungit lilia calthis,
Lilia puniceis mista papaueribus.
Nunc violas, cythifos, thyma nunc fragrantia carpit,
Purpureas tenero nunc secat vngue rosas.
Attamen in dubio est, non illud, nec magis illud
Eligit, & numero copia maior adest.
Nec quod præponat, nec quod postponat in arcto
Hæret, & optatis ambigit ipsa suis.
Interea ut dulci sertum mittatur amico
Efficit, ut folio versicolore fiet.
Sic mihi per medias & eunti res & ituro
Corporis, aut animi, fortuiticq; boni.
Anna tuæ nullo dotes sunt ordine dictæ,
Attamen hæc vnus singula fascis habet.
Non bene principium posito reperitur in orbe,
Nec finem ductus circulus vllus habet.
Sic tua continuo virtus stat in ordine certa,
Quæ nullum finem principiumq; tenet.
Digna tamen species regno fuit ista tenendo,
Rege fuit dignus corporis iste decor.

Multus

Multus in ore lepos, in corpore multa venustas,
Maiestas oculis & reuerenda tuis.
Matronale decus, fucō procul atq; colore,
Qualia mentitus inficit ora color.
Muliferi vites laudantur palmitis, & qui
Depositum multo sc̄enore reddit ager.
Et sterilis veteri culpata est sc̄emina lege,
Fertilitas summo semper honore fuit.
Pappia priuatis fuit & poppæa timori,
Dicta maritandis lex fuit ordinibus.
Omniparens natura suum de germine nomen
Ducit, & à foetu dicitur ipsa suo.
Et tu Cæsariidum mater Regumq; ducumq;
Egregiam laudem fertilitatis habes.
Nam tua terquina lætata est regia prole,
Immo ego terquina prole beata feror.
Atq; vti nam sterilis quàm sic foecunda fuisses,
Iam fueras parta prole beata satis.
Nec moriens Regina mihi damnosa fuisses,
Interitu tantum quod foret absq; tuo.
Namq; aliam pro te moriens Regina dedisti,
Nata tuam interea vixerit illa vicem.
Ac veluti Phœnix de morte renascitur ipsa,
Atq; ipsam sese dum parit, ipsa perit.
Sic tu cum viuam sobolem moritura relinquis,
Immortalis eris morte renata tua.
Pertinet ad laudes pietas tua cognita diuis,
Notaq; pro populo sunt pia vota tuo.

Te veniente die, te decedente precantem,
Certa fides sacris inuigilasse libris.
Acceptam precibus refero votisq; salutem,
Quicquid id est quod sum, sum pietate tua.
Ah quoties stricto molitus acinace plagam
Turca, tua nocuit nil mihi abactus ope.
Ah quoties dubij euasi discrimina Martis,
Ploratu ad superos Anna sequestre tuo.
Sic tuus insidias coniunx dominusq; latentes,
Atq; hoc vitauit certa pericla modo.
Imperij rebus dum consulit, & vagus illac,
Nunc hac suspectis itq; reditq; vijs.
Vel dum vectus equo salebras, perq; inuia telqua,
Obuius horribili non timet ire feræ.
Dij superi nostrum seruate ante omnia Regem,
Vitaq; principibus gloria sitq; meis.
Non superos tantum, sed flectere docta fuisti
Humanos etiam supplice voce loues.
Ah quoties meritæ fecisti ignoscere culpæ,
Commotum iusta cum ratione virum,
Pro miseris nullas oratrix passa repulsas,
Nec pro supplicibus ambitiosa reis.
Regia sic fratrem, sic placat luno maritum,
Iam iam missurum tela trifurca louem.
Sic complexa trucem mollit Venus alma Graduum,
Atq; iras reprimit delitiosa graues.
Carceris atq; aliquis tetro squalore situq;
Et pressus manicis compedibusq; diu.

Quærit

Quærit opem Regina tuam defuncta procesq̃,
Atq̃ operam expectat nunc quoq̃ diua tuam,
Dotibus ingenij fueras quoq̃ prædita multis,
Quas ingens fuerit enumerasse labor.
Nec socialis amor mihi commemoranda fidesq̃,
Non erga dominum mutua cura tuum.
Frigora, nec glacies, non æstus solstitiales,
Non nix, non pluuia, non lutulenta via,
Non grauis Autumnus, nō nimbi, non grauis Auster,
Quæq̃ æstas oculis puluerulenta nocet,
Te domino auulsere, nec auulsere marito,
Abstraxere viro fata sed atra tuo.
Non mihi Penelopes studium, non iactet amorem,
In laudes semper Græcia prona suas.
Nec tibi præstiterit regi desponsa Pheræo,
Viua maritali quæ tumulata rogo est.
Hactenus est series rerum libata tuarum,
Qua pote luce fuit, qua breuitate pote.
Sed breuius dicam Reginae Epicedion Annæ,
Virtutum est isto sub tumulo cumulus.
Vos autem extinctæ postremos reddite honores,
Grataq̃ legitimis soluite iusta modis.

LEGATIONES D. SIGISMVNDI
LIBERI BARONIS IN HER,
BERSTAIN, ETC.

Occasus, mediusq; dies, septentrio, et ortus
Sunt peragrata solo, sunt peragrata salo.
Principibus mandata fero dum maxima regum,
Vectus equo, rheda, siue rota, atq; rate.
Luduicum ad regem misso, Solymumq; tyrannum
Perlustrata rota est, Pannonia, atq; rate.
Cæsaris orator ad regem Maxmiliani
In Daniam celeri sum quoq; vectus equo.
Austriacæ missu regionis per mare sæuum
Hesperia mihi sunt regna petita rate.
Sauromatas eadem vexit me rheda ad vtrosq;
Per niue consperfas inuiolata vias.

I. L. Brassicanus.

Elisabeth, Maximilian, Anna, Ferdināus, Maria, Magdalena, Katharina, Eleonora, Margareta, Ioannes, Barba, Carolus, Ursula, Elena, Ioanna.
 Sigis. Pol. Archidux Alberti D. Archidux Guilhelmi
 Regis Mag. Austria. Bauaria. austria. D. Iuliacē.
 D. Lithuan. & Cluē. Archid. Aust.

Isabella, Sophia, Anna, Katharina, Hedwigis, Sigismundus Ludouic⁹, Anna Ferdi
 Ioannis Ioachimi z. Pol. Rex, Hungariae nadi Rom.
 Regis Electoris mag. Dux & Bohe. Hū. et Boh.
 Hung. Bradē. Lithuan. Rex. Regis &c.

Ioānes Al- Alexander Fridericus Casimirus Sigismūsus Vladislaus Hedwigis Sophia Fride Anna Bo- Barbara Ge- Elisabeth Fri
 bertus R. Pol. rex m. Cardina- Canonisa i. rex Pol. rex Hūg. Georgij ricimarchio. gullai du. orgij d. Sa- dericid. Li-
 Pol. mag. D. Lithu. lis tus mag. dux & Bohe miā. Bauariae Branden. Pome- xonia gnien.
 D. Lith. Lith. miā. ducis. nia.

Ladislaus Rex
 Hūgaria et Bo-
 hem. Archidux
 Austria.

Casimirus Rex
 Poloniae mag.
 dux Lithuan.
 Elisabeth.

Elisabeth Alber-
 ti Ro. Hung. &
 Boh. regis, Ar-
 chid. Aust.

Jagello idē Vla-
 dislaus rex Pol.
 mag. dux Li-
 thuania.

Sigismundus
 Ro. Imp. Hūg.
 & Boh. rex.

Olgird magnus
 dux Lithuan.

Carolus III. Ro.
 Imp. Boh. rex.

Gedemin Magnus
 Dux Lithuania.

Ioannes rex
 Bohemiae.

Henricus VII. Ro.
 Imp. D. Lucemb.

Carolus y. Ro.
 Imp. Hispania-
 rū Rex.

Ferdinād⁹ Ro.
 Hung. & Boh.
 Rex Archidux
 Austria.

Ioānes mag.
 Dux Mos-
 couia.

Philipp⁹ R. His-
 pā. Archid. Aust.
 dux Burgūd.

Wafili⁹ rex
 & dñs toti⁹
 Rus. d. Mo

Maximilian⁹ E.
 R. Imp. Archid.
 Aust.

Ioānes dñs
 to. Rus. m.
 d. mosc.

Frideric⁹ III. Ro.
 Imp. Archid. Au

Wafilius m.
 dux Mosc.

Ciburgis Arnesti
 Archid. Aust.

Anastasia Va-
 silij m. d. M.

Alexādra Semo-
 uiti d. Masouia.

Vitoldus m.
 dux Lith.

Kestud mag.
 dux Lithuā.

Sigismundus Liber Baro in Herberstain, Neipperg, & Guttenhag,
 Doctori Ioanni Ludouico Brasicano, compatri suo.
 Hanc tibi Arborem ex opacis Moscouia, Lithuania, & Poloniae syluis affero,
 ut fructus quos Christiano orbi protulerit tu in lucem producas.

C
P
L
C
A
S





